

خل النباح وفارق العش ياطير غرد وهز الريش في كل عالي
 اليوم هذا غير وأيامنا غير والبارحة ماهي سوات الليالي
 الأرض صارت في عيوني نواوير والبدر تم وجا مكان الهلالي
 وأبها تحدث في بهاها الغنادير فلت جدابيلها وقامت تلالي
 وفي وجه خالد للفرح الف تعبير وحجاج فيصل فيه كل أبتهاالي
 من السعاده باقي شوي ونطير عزالله أن اللي لفا الدار غالي
 يامرحبا ماغردن العصافي يامرحبا مازاف نبت الرمالي
 ترحيب أطلي من حليب المصاغير وضع رعت روض ربيع وخالي
 ياللي شكت رجلي طوال المشاوير ياطا بها درب الخطر مايبالي
 قرت عيون اللي يحبون يامير طاريك.. وإلا الحين شفته قبالي
 ياما حسبت الوقت حسب الدنانير أسامر نجوم الثريا لحالي
 مبطي وأنا أسمع فيك وصف البياطير واليوم جالي في القصيدة مجالي
 ياسيدي مال القوافي معاذير عن البيوت الوافيات الجزالي
 من لاجعل للمدح قيمة وتقدير ماظنتي يلفت ذهون الرجالي
 وأنت الذي معك سحب المزابير تمشي ويتبعك الحيا والخياي
 وأنت الذي بأسمك تباح الأسارير مثلك له أسماء عراض طوالي
 سلطان ياسلطان من يومك صغير مافي تسلطانك وشخصك جدالي
 كانوا ولا زالوا بيسمونك الخير وياكثر السماء اللي تراحم فيالي
 كريم سبلا إلا زبون المخاسير طلق الحجاج إلا بعيد المدالي
 درع البلاد إلا طويل الأشابير أبو اليتيم إلا عشيق المعالي
 لا والله لبن مسطر المجد تسطير على حصى الأرض ونفود الرمالي
 واخو فهد ذروة سنام المشاهير صفة ملوك الأرض بأول وتالي
 فهد ولا قلنا فهد جاوب النير تهتز لإسمه راسيات الجبالي
 زعيمنا اللي للعلا واصل السير حتى تعلينا على كل عالي
 مال الطموح بوسط رأسه معاير ولا للعوج عنده ياكود اعتدالي
 اليا زعل تزعل ملوك وجماهير واليا رضا ينهي جميع الجدالي
 مايشبه غير الثنين المناعير أنته وأبو متعب كريم السبالي
 عبد الله اللي فيه من سالم الزير خطل اليمين الليث حام التوالي
 سقم العدو اليا هرج دون تفكير رده على العدوان جاهز وحالي
 نفخر بكم وإلا القصايد تعابير ياشيوخ نجد الشعب كله موالي
 والله لوفيكم عن الملك تقصير ماخصكم ربي عزيز الجبالي
 منا وفينا مالفيتوا مداوير حكامنا وقت الدهور الهزالي
 ورث الجدود أمن الليال المعاسير قبل القصور وقبل صرف الريالي
 هاك الزمان سلاحنا حملة بعير من يومها متوثقين الحبالي
 منهاجنا واضح ولا فيه تغيير نموت مانرضى عليه البدالي
 مااستعمرونا اللي غذاهم خنازير تشهد لنا شهب السنين الخوالي
 من قبل عاشر جد أبو بوش وبلير ماهي ثلاث شهور وإلا حوالي
 واليوم في وقت الرخاء والتياسير شفنا العجب لا والله إلا الهبالي
 ياكتر ماقامت تسوق المقادير وياشيب عيني لاذكرت وطرالي
 المسجد اللي هزه أصوات تفجير في حزة فيها يجاب السوالي
 والمسلم اللي ذبح من دون تبرير ودم الرضيع اللي على الوجه سالي
 ينشدك يامكفر هل الدين تكفير وش حكم ذبح المسلمين العزالي ؟
 تدبر القرآن والهدي تدبير وأخذ الجواب بصيغته والكمالي
 فضحك الله بالوجيه المغابير ياطغمة التخريب والإنحالي
 واللي على الفتنة تدق المزامير نعرف مطامعهم على كل حالي
 ونعرف من يدفع رسوم الفواتير يالحية اللي جحرها الإحتالي
 لنحورهم حنا سوات الأزارير حنا حماة الدين ياهل الظلالي
 الأرض نزرعها رماح ومسامير يحرم عليهم وطيبها بالنعالالي

ديارنا ماهي بكابل وكشمير ياهملالي صدق ياهملالي
حاميتها الأجداد عج ومعاصير بسيفهم على ظهور الجمالي
واليوم ياسلطان شفهم طوابير ملوا من المجالس تحت الظلالي
يبون يوم فيه للحق تكبير عن الكلام تبان فيه الفعالي
ياسيدي قل وش تبي بس ويصير حدد هدف لو هو عسير المنالي
فالجو نفائة وفالقاع جنزير وأن مت هاك اليوم من طيب فالي
هذا وطنا ماسكناه تهجير الجيش واحد ماجمعنا الحثالي
لو ينتخي عرعر تلبيه خرخير كل الجنوب يصير جنب الشمالي
لا ياوطن لاتحسبنا مدايير لو الدهر في بعض الأحيان مالي
طالبك لاتجفل من الوقت وتذير وكلنا أبنائك وبالله الأتالي
وأن كان ماشفت السعد والتباشير عيب علينا لبسنا للبدالي
نذنر على لاحرسك وأفديك وأغير ديني وعرضي فيك وأعلى حلالي
واللي يآثر فيك بأيات تأثير أبرى منه لو كان عمي وخالي
وأن مت واخذنتي صروف المقادير والله لاوصي فيك حتى